

Morning Regional Dogri News Bulletin, 25 December 2024

मॉर्निंग डोगरी न्यूज़ बुलेटिन, समें. 09.20 Hrs

<><><><><><>

Headlines

- 1- प्रधानमंत्री नरेंद्र मोदी होर मध्य प्रदेश च देसै दी पैहली केन बेतवा नदियें गी जोड़ने आहली परियोजना दा अज्ज नीह पत्थर रक्खंगन।
- 2- पुंछ इच इक गड्डी दे डूंगी खाई च रूलकने करियै 5एं जवानें दी मौत।
- 3- मुखमंत्री उमर अब्दुल्ला होरें स्याले आस्तै कीती गेदियें तैयारियें दी समीक्षा कीती, उनें सर्दियें कन्नै सरबंधत शकैतें दे तुरत नबेड़े आस्तै सब्बन जिलें च सांझे नियंत्रण स्थापित करने दे निर्देश जारी कीते।
- 4 अज्ज समूलची दुनिया च क्रिकमस मनाया जा करदा ऐ। इस मौके राष्ट्रपति ते उपराष्ट्रपति होरें लोकें गी ममारकबाद दिती ऐ।
- 5 आई.सी.सी नै 2025 मर्दे दी चैंपियन्स ट्राइफी लेई कार्यक्रम दा ऐलान कीता। भारत 23 फरवरी गी पाकिस्तान कन्नै मैच खेडोग।

<><><><><><>

PM-MP

साबका प्रधानमंत्री श्री बाजपेई हुंदी 100मीं जयंती दे मौके पर प्रधानमंत्री नरेंद्र मोदी होर अज्ज मध्य प्रदेश दा दौरा लांगन ते खजुराहो च नेकां विकास परियोजना दा उद्घाटन ते नीह पत्थर रक्खंगन। श्री मोदी होर केन बेतवा नदी राष्ट्रीय संयोजन परियोजना दा नीह पत्थर रक्खंगन जेड़ी राष्ट्रीय योजना तैहत देसै दी पैहली नदी जोड़ो परियोजना होग। प्रधानमीं होर अटल

बिहारी बाजपेयी हुंदी 100मीं जयंती दी यादगीरी च डाक टिकट ते सिक्का बी जारी करंगन। श्री मोदी 1,153 अटल ग्राम सुशासन इमारतें दा नीह पत्थर बी रक्खंगन।

<><><><><><>

Vajpayee-BC

अज्ज साबका प्रधानमंत्री अटल बिहारी बाजपेयी हुंदी सौमी जयंती ऐ। अज्जे दे दिन सुशासन दिवस दे तौरा पर मनाया जंदा ऐ। राजधानी दिल्ली च श्री बाजपेयी हुंदी समाध सदैव अटल पर उनेंगी श्रद्धांजलि भेंट कीती जाग। प्रधानमंत्री नरेंद्र मोदी होरें आखेआ जे साबका प्रधानमंत्री अटल बिहारी बाजपेयी होर इक राजनेता दे तौरा पर हमेशा चेता कीते जांगन ते बेशुमार लोकें गी प्रेरित करदे रौहंगन। बाजपेयी होरें गी उंदी 100मीं जयंती पर श्रद्धांजलि दिंदे होई श्री मोदी होरें आखेआ जे 21मीं सदी आहले भारत दे बदलाव दे निर्माता होने करियै राष्ट्र म्हेशा अटल जी दा आभारी रौहंग। बक्ख-बक्ख अखबारें च छपे दे इक लेख च प्रधानमंत्री होरें आखेआ जे आम लोकें थमां उठियै इत्थें तोड़ी पुज्जने आहले श्री बाजपेयी होरें आम लोकें दी जद्दोजहद ते असरदार शासन गी परिवर्तनकारी ताकता गी महसूस कीता हा।

<><><><><><>

J&K Soldier Killed

जम्मू-कश्मीर च कल संझा पुंछ जिले च इक गड्डी दे हादसाग्रस्त होने करियै 5 जवानें दी मौत होई गई। आकाशवाणी दे जम्मू संवाददाता नै दस्सेआ जे एह हादसा धोड़ा चौकी कश उस्सलै पेश आया जिसलै जवानें गी लेइये जा करदी गड्डी डरैवर दे काबू शा बाहर होइयै इंगी खाई च जाई पेई। सब्बन जखिमयें गी इलाज आस्ते नेइमें अस्पताल च दाखल करोआया गेआ।

तोआई, उपराज्यपाल मनोज सिन्हा होरें पुंछ सैक्टर च होए दे इस दर्दनाक हादसे च फौजियें दी मौत पर इंगा बसोस प्रगट कीता ऐ। अपने सौगी स्नेह च श्री सिन्हा होरें दुख परोआर आहलें कन्नै हमदर्दी जतांदे होई बसोस कीता ते घायलें ताई तौले नरोए होने दी प्रार्थना कीती ऐ। मुखमंत्री उमर अब्दुल्ला होरें बी इस हादसे च 5 फौजियें दी मौत पर गहरा दुख प्रगट कीता ते हादसे च जख्मी होए दे जवानें दी तौलें ठीक होने दी प्रार्थना कीती।

<><><><><><>

PDS

जम्मू-कश्मीर सरकार नै सार्वजनिक बण्ड सरिस्ते दे डाटाबेस च दर्ज लाहकारियें दी जांच करने लेई जिला सतह दिएं कमेटिएं दे गठन लेई इक हुकम गी मंजूरी दिती ऐ। जिलें दे डिप्टी कमिशनरें दी सरपरस्ती च इनें कमेटिएं दा गठन कीता जाग। एह कमेटियां लाहकारिएं दी योग्यता दी जांच बकाया रेई गेदे योग्य उपभोक्ताएं दी शिनाखत ते ई-के.वाई.सी प्रक्रिया तोड़ चाढ़डन। एह कमेटियां इक म्हीने दे अंदर-अंदर रेई गेदे लाहकारिएं दी शिनाखत करियै उनेंगी मुनासब पीडीएस वर्ग च शामिल करडन।

<><><><><><>

J&K Bank

भारती रिजर्व बैंक नै अमित्व चैटर्जी होरें गी जम्मू-कश्मीर बैंक दे प्रबंध निदेशक ते मुख कार्यकारी अधिकारी दे तौर पर नियुक्त करने गी मंजूरी दिती ऐ। चैटर्जी होर 30 दिसंबर 2024

थमां अगले अगले 3 बरें लेई अपना ओहदा साम्भडन।

<><><><><><>

Veer Bal Diwas

अखिल जम्मू-कश्मीर सिख समन्वय कमेटी नै चउं साहबजादेँ दी शहादत दी सुच्ची सम्हालै च आयोजित वीर बाल दिवस दे मौके पर इक धार्मिक आयोजन दी घोषणा कीती ऐ। एह आयोजन 26 दिसंबर गी डिग्विना आश्रम जम्मू च लग्गोग। आकाशवाणी दे जम्मू जिले दे संवाददाता अंकुश शर्मा हुंदे नै गल्लबात करदे होई कमेटी दे अध्यक्ष अजीत सिंह होरें आखेआ जे इस मौके पर गुरु गोबिंद सिंह जी हुंदे 4 साहबजादेँ दे दलेरी भरे बलिदानें गी उजागर कीता जाग। उनें आखेआ।

<><><><><><>

CM-Winter

मुख्यमंत्री उमर अब्दुल्ला होरें स्यालै कन्नै सरबंघत शकैतें दे फौरी नबेड़े लेई सब्बनैं जिलें च संयुक्त कंट्रोल रूम खडेरने दे निर्देश दिते न। कल श्रीनगर च इक उच्ची सतह दी मीटिंग दी अध्यक्षता करदे होई, जेदे च कश्मीर घाटी ते जम्मू डिविजन दे बर्फ कन्नै प्रभावित इलाकें च जरूरी चीजें-बस्तें दी निर्विघ्न दस्तयाबी गी पक्का कीता गेआ। उमर अब्दुल्ला होरें विभाग दे स्हाबें सब्बनैं विभागें आसेआ स्यालै लेई कीती गेदिएं तैयारियें दा जायजा लैता ते सख्त स्यालै दौरान लोकें दिएं मुश्कलें गी घट्टोघट्ट करने लेई इक तगड़ा सरिस्ता तैयार करने पर जोर पाया।

<><><><><><>

Vibrant-Bhaderwah

डोडा दे जिला विकास आयुक्त हरविंद्र सिंह होरें नमें बरे दे मौके मनाए जाने आहले वाइब्रेंट भद्रवाह 2024-25 उत्सव दियें तैयारियें दी समीक्षा आसतै कल मंगलवारै लग्गी दी इक बैठक दी प्रधानता कीती। बैठक च होरनें दे अलावा एडवेंचर एसोसिएशन, होटल कारोबार कन्ने जुड़े दे लोक, नौजोआन कमेटियें दे मिम्बर, दूर-दरेडे टूर-ट्रेवल ते बपारी संगठनें सने सिविल सोसायटी दे मिम्बर शामिल होए। सैलसफा मैहकमें दे सहयोग कन्ने जिला प्रशासन डोडा 3 दिनें लेई नमां बरा वाइब्रेंट भद्रवाह समारोह दा सरिस्ता 29 दिसंबर शा लेइयै 31 दिसंबर तगर करा'रदा ऐ।

<><><><><><>

Announcement

आकाशवाणी दा खेत्तीय समाचार एकांश जम्मू 7 दिसंबर 2024 गी देश दे 347 जिलें च केंद्री सेहत ते परिवार कल्याण मंत्रालय आसेआ शुरू कीते गेदे टी.बी दी रोकथाम सरबन्धी 100 रोजा अभियान उप्पर 30 मँटें दा इक्क विशेष कार्यक्रम प्रसारित करोग। एह विशेष कार्यक्रम बुधवार 25 दिसंबर गी बड्डलै साइडे 9 बजे प्रसारित कीता जाग। इस कार्यक्रम दा उद्देश्य टी.बी दी बमारी दी रोकथाम, इलाज ते एहदे शा बचाव बारे लोके च जागरूकता पैदा करना ऐ। इस कार्यक्रम च प्रदेश टी.बी अधिकारी डॉ. ज्योति जॉली हुंदे कन्ने विशेष गल्लबात कीती गई। इयै जनेह होर दुए महत्वपूर्ण जानकारीयें सरबन्धी प्रसारण लेई एफ.एम 100 इशारिया 3 मैगाहर्टज़, 104 इशारियरा 5 मैगाहर्टज़ ते मीडियम wave 303 मीटर यानि 990 किलोहर्टज़ उप्पर आकाशवाणी समाचार ते कार्यक्रम सुनी सकदे हो ते rnujammu@gmail.com उप्पर स्हाड़े कन्ने अपनी प्रतिक्रिया सांझी करी सकदे हो।

<><><><><><>

ITI-Ramban

जिले च नौजवानें दे हुनर विकास लेई रामबन दे आई.टी.आई केंद्र इक महत्वै आहली भूमिका निभा रदे न। स्थानीय नौजवानें गी सशक्त करने लेई उनेंगी मुफ्त सिखलाई देने लेई उद्यमिता विकास प्रोग्राम चलाए जा'रदे न। रामबन थमां आकाशवाणी दे संवाददाता अजयदीप सिंह होरं आई.टी.आई रामबन दे सुपर इन्टेन्डेंट परवेज इकवाल हुंदे हवाले कन्नै दस्सेआ जे जम्मू-कश्मीर ग्रामीण रोजगार सृजन प्रोग्राम JKREGP तैहत आई.टी.आई रामबन ग्रामीण नौजवानें पारम्परिक दस्तारें गी माली सहायता ते रियायतां देइयै उनेंगी टिकाऊ बपार स्थापित करने च मदद करा रदा ऐ। आकाशवाणी कन्नै गल्ल करदे होई आई.टी.आई रामबन दे सुपर इन टेनडेंट परवेज इकबाल होरें दस्सेआ।

<><><><><><>

Christmas

मुख्ये दे दुए हिस्सैं आइन अज्ज जम्मू प्रोतै च बी क्रिसमस दा त्यौहार पूरे धार्मिक जज्बे कन्नै मनाया जा'रदा ऐं पूरी दुनि९या च इसाई धर्म दे लोक यीशू मसीह हुंदे जन्म दिन ग क्रिकमस दे रूपै च मनांदे न। इस मौके पर लोक अपने घरें च क्रिसमस ट्री लाइयै ओहदे पर काकले दा तारा बनाइयै लांदे न ते उसी शैल सजांदे न। इस मौक्े पर तोहफें दा आदान-प्रदान बी कीता जंदा ऐ। अज्जै दे दिन गिरजाघरें गी बड़े गै शैल ंगगै नै सजाया जंदा ऐ। राष्ट्रपति द्रौपदी मुर्मू ते उपराष्ट्रपति जगदीप धनखड़ होरें देसै गी क्रिसमस दियां शुभकामनां दितियां न। लेफ्टिनेंट गवर्नर मनोज सिन्हा होरें क्रिसमस दे पवित्र मौके पर लोकें गी मुबारकबाद दित्ती ऐ ते आखेआ जे क्रिसमस आशा ते एकजुटता दा शिव व्यापी स्नेया दिंदा ऐ। उनें आखेआ जे ईसा मसीह हुंदियां शिक्षां, अज्जै दे समें काल गितै प्रसांगिक न। मुख्यमंत्री उमर अब्दुल्ला होरें अपने स्नेहे

च क्रिकमस गी मानवता लेई इक अशीरवाद दसदे होई पूरे जम्मू-कश्मीर दे लोकें गी शुभकामनां दित्तियां न।

<><><><><><>

ICC-Schedule

अंतरराष्ट्रीय क्रिकेट परिषद नै मर्दे दी आई.सी.सी मेन्स चैंपियनशिप ट्रॉफी 2025 दा कार्जक्रम जारी करी दित्ता ऐ। एह चैंपियनशिप ओंदे बरे दी 19 फरवरी गी 9 मार्च तगर करोआई जाग। सब्बे मुकाबले दिनें-राती आहले होंगन। 8 टीमां 15 मैच खेडंगन। भारती टीम दे सब्बे मुकाबले दुबई च खेड्े जांगन। तोआई, बाकी टीमें दे मैच पाकिस्तान च होंगन। चैंपियनशिप ट्रॉफी च भारत ते पाकिस्तान बश्कार लीग मैच 23 फरवरी गी दुबई च होग।

<><><><><><>